

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ԶԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

07 «08» 2023 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար Հ. Հակոբյանի, որը գործում է պետական մարմնի կանոնադրության հիման վրա, մի կողմից, և «Գ. Սունդուկյանի անվան ազգային ակադեմիական թատրոն» պետական ոչ առևտրային կազմակերպությունը (այսուհետ՝ Կատարող)՝ ի դեմս կազմակերպության կանոնադրության հիման վրա գործող տնօրեն Վ. Մկրտչյանի, որը գործում է կազմակերպության կանոնադրության հիման վրա, մյուս կողմից (այսուհետ միասին՝ կողմեր), հիմք ընդունելով ՀՀ կառավարության 2022 թվականի դեկտեմբերի 29-ի «ՀՀ 2023 թվականի պետական բյուջեի կատարումն ապահովող միջոցառումների մասին» N 2111-Ն որոշումը (այսուհետ՝ որոշում)՝ որոշման «1215. Կրթության, մշակույթի և սպորտի ոլորտներում միջազգային և սփյուռքի հետ համագործակցության զարգացում» ծրագրի «12006. Աջակցություն օտարերկրյա պետություններում հայալեզու թատերական ներկայացումներին» ծրագիր) (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել սույն պայմանագրով սահմանված վճարը, իսկ կազմակերպությունը պարտավորվում է սույն պայմանագրով սահմանված վճարի դիմաց սույն պայմանագրով սահմանված կարգով ու ժամկետում իրականացնել Թբիլիսիի Պ. Ադամյանի անվան հայկական պետական դրամատիկական թատրոնում (այսուհետ՝ Թատրոն) հայալեզու թատերական ներկայացումների բեմադրական ծախսերի կազմակերպումը (այսուհետ՝ միջոցառումներ)՝ համաձայն սույն պայմանագրի անբաժանելի մաս կազմող՝

- 1.1.1. ծրագրի՝ Հավելված N 1,
- 1.1.2. նախահաշվի՝ Հավելված N 2:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

2.1. Պետական մարմինն իրավունք ունի՝

- 2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,
- 2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,
- 2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2-րդ կետով նախատեսված տուգանքը, իսկ պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ սույն պայմանագրի 6.3-րդ կետով նախատեսված տույժերը,
- 2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. առանց հիմնավոր պատճառի կազմակերպությունը ժամանակին չի սկսում միջոցառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից սույն պայմանագրի պահանջները չկատարելու դեպքում դադարեցնելու ֆինանսավորումը՝ մինչև թերությունների վերացումը,

2.1.6. կազմակերպության կողմից սույն պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերակատարման դեպքում պահանջելու հետ վերադարձնել համապատասխան չափով հաշվարկված գումարը,

2.1.7. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. պետական մարմնից պահանջելու ընդունել սույն պայմանագրի 1.1-ին կետում նշված և կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջելու վերացնել կազմակերպության գործողություններից (անգործությունից) անկախ՝ պետական մարմնի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները,

2.2.3. իրականացված միջոցառումների արդյունքը պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.4. վաղաժամկետ լուծելու սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում,

2.2.5. անհրաժեշտության դեպքում սույն պայմանագրի անբաժանելի մաս կազմող նախահաշվով նախատեսված ծախսային ուղղությունների միջև և (կամ) ծախսային ուղղությունների տողերի միջև իրականացնել համապատասխանաբար յուրաքանչյուր ծախսային ուղղության և ծախսային ուղղության տողերի գումարի 10 տոկոսի չափով շեղում՝ չխախտելով վճարումների համար սահմանված նորմերը:

2.3. Պետական մարմինը պարտավոր է՝

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. ընդունել սույն պայմանագրի պահանջներին համապատասխան կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառումների մասին ներկայացված ֆինանսական և բովանդակային հաշվետվությունների վերաբերյալ համապատասխան որոշում ընդունել դրանք ստանալու օրվանից

մինչև 20 աշխատանքային օրվա ընթացքում: Հաշվետվություններում թերություններ հայտնաբերվելու դեպքում դրանք վերադարձվում են կազմակերպությանը լրամշակման՝ սահմանելով խելամիտ ժամկետներ: Եթե ներկայացված հաշվետվությունների համաձայն իրականացված միջոցառումները համապատասխանում են ծրագրի և սույն պայմանագրի պահանջներին, ապա դրանք ընդունվում են,

2.3.5. իրականացնել սույն պայմանագրով նախատեսված այլ աշխատանքներ:

2.4. Կազմակերպությունը պարտավոր է՝

2.4.1. սույն պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով՝ համաձայն սույն պայմանագրի 1.1-ին կետի,

2.4.2. ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված միջոցառումները,

2.4.3. պետական մարմնի պահանջով նրան հաղորդել տեղեկատվություն միջոցառումների կատարման ընթացքի մասին,

2.4.4. սույն պայմանագրով սահմանված պարտավորություններն իրականացնել պետական մարմնի կողմից հաստատված մեթոդական ցուցումների, հրահանգների և այլ իրավական ակտերի (փաստաթղթերի) պահանջներին համապատասխան,

2.4.5. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ դրանք վերացնելու համար,

2.4.6. սույն պայմանագրի գործողության ընթացքում ապահովել միջոցառումների իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.7. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.8. սույն պայմանագրի 4.1-ին կետով սահմանված ժամկետներում պետական մարմնին ներկայացնել հաշվետվություններ (ֆինանսական և բովանդակային) կատարված ծախսերի և իրականացված միջոցառումների մասին: Ֆինանսական հաշվետվությունը ներկայացվում է սույն պայմանագրի Հավելված N 3-ով սահմանված ձևանմուշով՝ նկատի ունենալով, որ փաստացի ծախսերը հիմնավորող հաշվապահական և այլ փաստաթղթերը գտնվում են կազմակերպության մոտ և վերջինս պատասխանատվություն է կրում ֆինանսական հաշվետվությամբ ներկայացված տվյալների իսկության համար, իսկ բովանդակայինը՝ ամբողջական տեղեկատվություն միջոցառումների իրականացման և ընթացքի մասին, այդ թվում արդյունքների գնահատումը, մասնակիցների քանակը, կցելով համապատասխան նյութեր (լուսանկարներ, ազդագրեր, հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային կրիչներով,

2.4.9. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.10. հրապարակել պետական մարմնի անունը, իսկ համաֆինանսավորման դեպքում տրամադրել ամբողջական տեղեկատվություն՝ ծրագրին աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին,

2.4.11. սույն պայմանագրից բխող միջոցառումները չկատարելու դեպքում վերադարձնել պետական մարմնի կողմից տրամադրված գումարը և վճարել տուգանք սույն պայմանագրի 3.1-ին կետում նախատեսված գումարի 5,0 (հինգ) տոկոսի չափով,

2.4.12. իրականացնել միջոցառումների շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.13. թատրոնին ցուցաբերել մեթոդական և կազմակերպական օգնություն իր կանոնադրությամբ սահմանված կարգով, ձևով ու չափերով,

2.4.14. սույն պայմանագրով սահմանված միջոցառումների իրականացման արդյունքում առաջացած տնտեսումների, ինչպես նաև չհիմնավորված ծախսերի գումարները վերադարձնել ՀՀ պետական բյուջե՝ ոչ ուշ քան սույն պայմանագրի 4.1-ին կետով հաշվետվությունների համար սահմանված ժամկետից հետո 20 օրվա ընթացքում:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Սույն պայմանագրի 1.1-ին կետում նշված միջոցառումների իրականացման համար պետական մարմինը կազմակերպությանը հատկացնում է 17025,4 հազար (տասյոթ միլիոն քսանհինգ հազար չորս հարյուր) դրամ՝ (ներառյալ հարկերը, տուրքերը և պարտադիր այլ վճարները)՝ համաձայն Հավելված N 2-ի:

3.2. Սույն պայմանագրի 3.1-ին կետում սահմանված գումարի 80 %-ը կազմակերպությանը հատկացվում է սույն պայմանագրի կնքումից հետո, իսկ 20 %-ը՝ սույն պայմանագրի 5.1-ին կետով նախատեսված հանձնման-ընդունման արձանագրությունը ստորագրելուց հետո՝ կազմակերպության հաշվեհամարին փոխանցելու միջոցով:

3.3. Համաձայն «ՀՀ 2023 թվականի պետական բյուջեի մասին» ՀՀ օրենքի 7-րդ հոդվածի 23-րդ մասի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2023 թվականի ընթացքում ենթակա են վերադարձման ՀՀ պետական բյուջե:

4. ՊԱՅՄԱՆԱԳՐԻ ԺԱՄԿԵՏԸ

4.1. Սույն պայմանագրով նախատեսված միջոցառումների կատարման ժամկետը մինչև 2023 թվականի նոյեմբերի 30-ն է, իսկ հաշվետվությունների ներկայացման ժամկետը՝ մինչև սույն պայմանագրով նախատեսված միջոցառումների կատարման ավարտին հաջորդող 30-րդ օրացուցային օրը, սակայն ոչ ուշ, քան 2023 թվականի դեկտեմբերի 10-ը:

4.2. Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների ամբողջ ծավալով կատարումը:

5. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ

5.1. Սույն պայմանագրի 1.1-ին կետում նշված և ամբողջությամբ կատարված միջոցառումները կազմակերպության կողմից ներկայացվում են պետական մարմնի ընդունմանը ոչ ուշ, քան սույն պայմանագրով սահմանված ժամկետում: Պետական մարմնի կողմից դրանց ընդունման դեպքում այդ մասին կազմվում է հանձնման-ընդունման արձանագրություն (Հավելված N 4):

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Սույն պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից

չպահպանելու դեպքում վերջինս պետական մարմինն վճարում է տուգանք՝ ոչ պատշաճ կատարված

պարտավորության համար նախատեսված գումարի 0,5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից:

6.3. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմինն վճարում է տույժ՝ պայմանագրի գնի 0,05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար՝ սույն պայմանագրի չկատարված մասի գնի նկատմամբ:

6.4. Սույն պայմանագրի 6.2-րդ և 6.3-րդ կետերով նախատեսված տուգանքը և տույժը կարող է հաշվարկվել և հաշվանցվել միջոցառումների իրականացման արդյունքում կազմակերպությանը վճարման ենթակա գումարների հետ:

6.5. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.6. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6.7. Սույն պայմանագրով կազմակերպության կողմից ստանձնված պարտավորությունները չկատարելու կամ ոչ պատշաճ կատարելու հիմքով սույն պայմանագիրը միակողմանի լուծելու մասին ծանուցումը պետական մարմինը հրապարակում է իր պաշտոնական կայքում՝ նշելով հրապարակման ամսաթիվը: Կազմակերպությունը համարվում է սույն պայմանագիրը միակողմանի լուծելու մասին պատշաճ ծանուցված՝ ծանուցումը կայքում հրապարակվելուն հաջորդող օրվանից: Սույն պայմանագիրը միակողմանի լուծելու մասին ծանուցումը կայքում հրապարակվելու օրը ուղարկվում է նաև կազմակերպության էլեկտրոնային փոստին:

6.8. Սույն պայմանագրի կնքումից հետո 3-օրյա ժամկետում կազմակերպության անվանումը, գտնվելու վայրը, կազմակերպության կողմից դրամաշնորհ ստանալու համար ներկայացված ծրագիրը հրապարակվում են պետական մարմնի պաշտոնական ինտերնետային կայքէջում:

6.9. Կազմակերպությունը սույն պայմանագրով նախատեսված ժամկետներում պետական մարմինն ներկայացնում է միջոցառումների կատարման վերաբերյալ հաշվետվություն, որը պետական մարմնի կողմից ընդունվելուց հետո 3-օրյա ժամկետում հրապարակվում է պետական մարմնի պաշտոնական ինտերնետային կայքէջում՝ բացառությամբ անձի եկամուտներին վերաբերող դրամաշնորհային պայմանագրերի:

7. ՄՈՆԻԹՈՐԻՆԳԸ

7.1. Պետական մարմինը միջոցառումների իրականացման արդյունքների համապատասխանության գնահատման նպատակով իրականացնում է մոնիթորինգ:

7.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

7.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

7.4. Պետական մարմինը ցանկացած ժամանակ կարող է միջոցառումների շրջանակներում իրականացնել մոնիթորինգ՝ ուսումնասիրելով միջոցառումներին առնչվող ցանկացած փաստաթղթեր և նյութեր:

7.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

8. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. ԵԶՐԱՓՈՒԿ ԴՐՈՒՅԹՆԵՐ

9.1. Սույն պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.2. Սույն պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.3. Սույն պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎՎԵՐԱՊԱՅՄԱՆՆԵՐՆ ՈՒ ԱՍՈՐԱԳՐՈՒԹՅՈՒՆՆԵՐԸ

ՊԵՏԱԿԱՆ ՄԱՐՄԻՆ՝

«Կրթության, գիտության, մշակույթի և սպորտի նախարարություն
Երևան, Վ. Սարգսյան 3
Կառավարական տուն N 2
ՀՀ ՖՆ գործառնական վարչություն
Հ/Հ 900011032985, ՀՎՀՀ 02698732

Գլխավոր քարտուղար՝

Վ. Հակոբյան
(ստորագրություն)

Կ. Տ.



ԿԱԶՄԱԿԵՐՊՈՒԹՅՈՒՆ՝

«Գ. Սունդուկյանի անվան ազգային
ակադեմիական թատրոն» ՊՈԱԿ
ՀՀ, ք. Երևան, Գրիգոր Լուսավորիչ 6
ՀՀ ՖՆ գործառնական վարչություն
Հ/Հ 900018001496, ՀՎՀՀ 02521652

Հեռ.՝ 077 383 845

տնօրեն՝

Վ. Մկրտչյան
(ստորագրություն)

Կ. Տ.



Ծ Ր Ա Գ Ի Ր

Թբիլիսիի Պ. Ադամյանի անվան հայկական պետական դրամատիկական թատրոնի աջակցության

1. Կազմակերպության անվանումը

«Գ. Սունդուկյանի անվան ազգային ակադեմիական թատրոն» ՊՈԱԿ

2. Կազմակերպության գտնվելու վայրը

Երևան, Սուրբ Գրիգոր Լուսավորչի փող., 6 շենք

3. Ծրագիր

Թբիլիսիի Պ. Ադամյանի անվան հայկական պետական դրամատիկական թատրոնի աջակցության

3.1 Բովանդակությունը

Թբիլիսիի Պետրոս Ադամյանի անվան հայկական պետական դրամատիկական թատրոնը սփյուռքում գործող պետական կարգավիճակ ունեցող միակ հայկական թատրոնն է, և այն ծավալում է հայապահպան գործունեություն, որը խթան է հանդիսանում Վրաստանում հայ մշակույթի տարածման ու հանրահոջակման գործում:

2023 թ. թատրոնին նախարարության կողմից տրամադրվող աջակցությունը նախատեսված է 6 նոր ներկայացումների համար՝ «Ուրախ տոնաձառ» (բեմադրությունը՝ Արմեն Բայանդուրյանի), Մարո Մադոյան-Ալաջաջյանի «Ապրիլ, քանի դեռ ապրում ես» (բեմադրությունը՝ Հակոբ Ղազանջյանի), Էլֆիք Զոհրաբյանի «Տիկին Սիրանույշ» (բեմադրությունը՝ Լյուբով Սահակյանի), Յասմինա Ռեզայի «Արտ արվեստ» (բեմադրությունը՝ Դավիթ Բարսեղյանի), Սլավոմիր Մրոժեկի «Բաց ծովում» (բեմադրությունը՝ Արթուր Գասպարյանի, գեղ.ղեկավար՝ Արմեն Բայանդուրյան), Ավքեսենտի Յագարելիի «Խանումա» (բեմադրությունը՝ Արմեն Բայանդուրյանի, գեղ.ղեկավար՝ Ռոբերտ Ստորոա):

3.2 Նպատակ

Թբիլիսիի Պ. Ադամյանի անվան հայկական պետական դրամատիկական թատրոնին աջակցության տրամադրում, սփյուռքում հայ մշակույթի պահպանում, Վրաստանում հայ մշակույթի հանրահռչակում

3.3 Անցկացման վայր

Թբիլիսի, Վրաստան

3.4 Անցկացման ժամկետ

2023 թվականի ընթացքում

3.5 Ակնկալվող արդյունքներ

Թբիլիսիի Պ. Ադամյանի անվան հայկական պետական դրամատիկական թատրոնի գործունեության պատշաճ ապահովում
սփյուռքում հայ մշակույթի պահպանում
Վրաստանում հայ մշակույթի հանրահռչակում

3.6 Ոչ ֆինանսական ցուցանիշներ

6 նոր ներկայացում

ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի և
սպորտի նախարարություն
Երևան, Վ. Սարգսյան 3
Կառավարական տուն N 2
ՀՀ ՖՆ գործառնական վարչություն
Հ/Հ 900011032985, հվհհ 02698732
Գլխավոր քարտուղար՝

Հ. Հակոբյան

(ստորագրություն)

Կ. Տ.

02698732



ԿԱՏԱՐՈՂ՝


«Գ. Սունդուկյանի անվան ազգային
ակադեմիական թատրոն» ՊՈԱԿ
ՀՀ, ք. Երևան, Գրիգոր Լուսավորիչ 6
ՀՀ ՖՆ գործառնական վարչություն
Հ/Հ 900018001496, ՀՎՀՀ 02521652
Հեռ.՝ 077 383 845

տնօրեն՝

Վ. Մկրտչյան

(ստորագրություն)

Կ.Տ.



ՆԱԽԱՀԱՇԻՎ

Թբիլիսիի Պ. Աղամյանի անվան հայկական պետական դրամատիկական թատրոնում հայալեզու թատերական ներկայացումների բեմադրական ծախսերի

1 «Ուրախ տոնածառ» (բեմադրությունը՝ Արմեն Բայանդուրյանի)					
Հ/Հ	Ծախսատեսակի անվանումը	Չ/Մ	Քանակ	Մեկ միավորի արժեքը (դրամ)	Գումարը (հազար դրամ)
1	Նվերներ (շոկոլադե կոնֆետների հավաքածու)	հատ	488	426.3	208.0
2	Ազդագիր (A 1 չափսի)	հատ	4	1470	5.9
3	Տրանսպորտային ծախս (դիզել)	լիտր	78.5	536.6	42.1
4	Դահլիճի վարձակալություն	ծառ.	1	180588	180.6
5	Հյուրախաղեր Վրաստանի տարածքում (օրապահիկ) 14 անձ * 4 օր	մարդ/օր	56	4410	247.0
	ԸՆԴԱՄԵՆԸ				683.6
2 «Ապրիլ, քանի դեռ ապրում ես» (բեմադրությունը՝ Զակոբ Ղազանչյանի)					
1	Վարձատրություն (ներառյալ հարկերը)*, այդ թվում				411.8
	բեմադրող ռեժիսոր	մարդ	1	367647	367.6
	լուսային օպերատոր	մարդ	1	44118	44.1
2	Բեմական հագուստ, այդ թվում՝				77.8
	բուժքույրի հանդերձանք՝ 1 կոմպլեկտ	հատ	1	17647	17.6
	կանացի կոստյում՝ 1 կոմպլեկտ	հատ	1	27353	27.4
	կանացի կոշիկներ	զույգ	2	16397	32.8
3	Ռեկվիզիտ, այդ թվում՝				33.1
	արհեստական ծաղիկներ	հատ	1	21368	21.4
	շախմատ	հատ	1	7353	7.4
	հովանոց	հատ	1	4412	4.4
4	Ազդագիր (A 1 չափսի)	հատ	6	1470	8.8
5	Նկարահանման ծառայություն	ծառ.	1	56000	56.0
6	Դահլիճի վարձակալություն	ծառ.	1	294118	294.1
	ԸՆԴԱՄԵՆԸ				881.6
3 «Տիկին Սիրանույշ» (բեմադրությունը՝ Լյուբով Սահակյանի)					
1	Վարձատրություն (ներառյալ հարկերը)*, այդ թվում				202.9
	ռեժիսոր	մարդ	1	183824	183.8
	լուսային օպերատոր	մարդ	1	19118	19.1
2	Ազդագիր (A 1 չափսի)	հատ	5	1470	7.4
3	Հրավիրատոմսի տպագրություն	ծառ.	410	147	60.3


4	Դահլիճի վարձակալություն	ծառ.	1	338235	338.2
	ԸՆԴԱՄԵՆԸ				608.8
4	«Արտ արվեստ» (բեմադրությունը՝ Դավիթ Բարսեղյանի)				
1	Վարձատրություն (ներառյալ հարկերը)* բեմադրող ռեժիսոր	մարդ.	1	183824	183.8
2	Դահլիճի վարձակալություն	ծառ.	1	257353	257.4
	ԸՆԴԱՄԵՆԸ				441.2
5	«Բաց ծովում» (բեմադրությունը՝ Արթուր Գասպարյանի)				
1	Վարձատրություն (ներառյալ հարկերը)*, այդ թվում				367.6
	ռեժիսոր	մարդ.	1	183824	183.8
	երաժշտական ձևավորում	մարդ.	1	183824	183.8
2	Դեկորացիա և ռեկվիզիտ, այդ թվում				463.0
	նավակ՝ 3մ	հատ	1	367500	367.5
	ներքնակ	հատ	1	36700	36.7
	ռեկվիզիտ	հատ	20	2940	58.8
3	Բեմական հագուստ, այդ թվում՝				172.0
	տղամարդկանց ֆրակ	հատ	3	44100	132.3
	տղամարդկանց կոստյում (անձրևանոց)	հատ	3	4410	13.2
	տղամարդու կոստյում (փոստստար)	հատ	1	13230	13.2
	տղամարդու կոստյում (սպասավոր)	հատ	1	13230	13.2
4	Տպագրական ծախսեր, այդ թվում				91.1
	ազդագիր (A 1 չափսի)	հատ	20	1470	29.4
	հրավիրատոմս	հատ	420	147	61.7
5	Նկարահանման ծառայություն	ծառ.	1	56000	56.0
6	Հյուրախաղերի կազմակերպում (ՀՀ-ում՝ Երևան, Հրազդան, Արտաշատ, Վանաձոր) այդ թվում՝				2262.3
	սննդի ծախս՝ 14 մարդ * 6 օր	մարդ/օր	84	13377	1123.7
	հյուրանոց՝ 14 մարդ * 5 օր	մարդ/օր	70	13400	938.0
	հյուրանոց՝ 2 մարդ * 2 օր	մարդ/օր	4	13400	53.6
	տրանսպորտի դիզելային վառելիք	լիտր	274	536.6	147.0
7	Դահլիճի վարձակալություն՝ Թբիլիսի		1	294118	294.1
	ԸՆԴԱՄԵՆԸ				3706.2
5	«Խանումա» (բեմադրությունը՝ Արմեն Բայանդուրյանի)				
1	Վարձատրություն (ներառյալ հարկերը)*, այդ թվում				3602.7
	բեմադրող ռեժիսոր	մարդ.	1	735294	735.3
	գեղարվեստական ղեկավար	մարդ.	1	1838235	1838.2
	սցենոգրաֆիա	մարդ.	1	367500	367.5
	կոստյումների համար հոնորար	մարդ.	1	294200	294.2
	երաժշտական ձևավորում	մարդ.	1	367500	367.5
2	Դեկորացիա				2205.0

	մետաղյա սանդուխտներ 2 հատ (4 ք/մ)	հատ	2	735000	1470.0
	վահանակ՝ 8 հատ	հատ	8	91875	735.0
3	Բեմական հագուստ, այդ թվում՝				1176.5
	տղամարդկանց կոստյում	հատ	20	29411.75	588.2
	կանացի կոստյում	հատ	20	29411.75	588.2
4	Տպագրական ծախսեր, այդ թվում՝				147.0
	ազդագիր (A 1 չափսի)	հատ	50	1470	73.5
	հրավիրատոմս	հատ	500	147	73.5
5	Դահլիճի վարձակալություն	ծառ.	1	735294	735.3
	ԸՆԴԱՄԵՆԸ				7866.5
	Ամբողջը՝ հինգ ներկայացման համար				14187.9
	ԱԱՀ**				2837.6
	Ամբողջը, ներառյալ ԱԱՀ				17025.4

*Ծախսերը պետք է իրականացվեն բացառապես ՀՀ աշխատանքային օրենսգրքով սահմանված կարգով
 ** ԱԱՀ-ի գծով լրացուցիչ հատկացումները որպես հարկային պարտավորություն ենթակա են վճարման
 Կատարողի կողմից որպես ԱԱՀ, հակառակ դեպքում ենթակա են վերադարձման ՀՀ պետական բյուջե:

ՊԵՏԱԿԱՆ ՄԱՐՄԻՆ՝


ՀՀ կրթության, գիտության, մշակույթի և
 սպորտի նախարարություն
 Երևան, Վ. Սարգսյան 3
 Կառավարական տուն N 2
 ՀՀ ՖՆ գործառնական վարչություն
 Հ/Հ 900011032985, հվհհ 02698732

Գլխավոր քարտուղար՝

 Կ. Տ.



ԿԱԶՄԱԿԵՐՊՈՒԹՅՈՒՆ՝

«Գ. Սունդուկյանի անվան ազգային
 ակադեմիական թատրոն» ՊՈԱԿ
 ՀՀ, ք. Երևան, Գրիգոր Լուսավորիչ 6
 ՀՀ ՖՆ գործառնական վարչություն
 Հ/Հ 900018001496, ՀՎՀՀ 02521652

Հեռ.՝ 077 383 845
 տնօրեն՝

 Վ. Մկրտչյան
 (ստորագրություն)
 Կ.Տ.



ՖԻՆԱՆՍԱԿԱՆ ՀԱՇՎԵՏՎՈՒԹՅԱՆ ՓԱՍՏԱԹՂԹԵՐԻ ԱՄՓՈՓԱԹԵՐԹ

Կատարող կազմակերպությունը _____

Ծրագրի անվանումը _____

NN	Նախահաշվի հոդվածը	Գումարը՝ համաձայն նախահաշվի (դրամով)	Փաստացի գումարը (դրամով)	Շեղումը նախահաշվի համեմատ (+- դրամով)	Հոդվածի ծախսը հավաստող փաստաթղթի անվանումը, համարը և ամսաթիվը
1					
2					
3					
	Ընդամենը				

«___» _____ 2023 թ.

Կատարող կազմակերպության ղեկավար

ՓԱՍՏԱԹՂԹԵՐՆ ԸՆԴՈՒՆԵՑ՝

_____/_____/ (անուն-ազգանուն) (ստորագրություն)

ՀՀ ԿԳՄՍ նախարարության պատասխանատու

Կատարող կազմակերպության գլխավոր հաշվապահ (անուն-ազգանուն) (ստորագրություն)

_____/_____/ (անուն-ազգանուն) (ստորագրություն)

Հավելված N 4
« 07 » « 09 » 2023 թ.

N ՄՇԴ 34/2023 պայմանագրի

ԿԱԶՄԱԿԵՐՊՈՒԹՅՈՒՆ՝

ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի և
սպորտի նախարարություն
Երևան, Կառավարական տուն 2
ՀՎՀՀ՝ 02698732

Հասցե՝

**Ա Ր Զ Ա Ն Ա Գ Ր ՈՒԹՅՈՒՆ
ՀԱՆՁՄԱՆ - ԸՆԴՈՒՆՄԱՆ**

ք. Երևան

« » « » 2023 թ.

Պայմանագրի համարն ու կնքման ամսաթիվը N

Պետական մարմին՝ ի դեմս ՀՀ կրթության, գիտության, մշակույթի և սպորտի
նախարարության գլխավոր քարտուղար _____

(անուն ազգանուն)

և Կազմակերպությունը, ի դեմս _____ -ի տնօրեն

կազմակերպության անվանում

_____, ի, հիմք ընդունելով պայմանագրի կատարման
վերաբերյալ

(անուն ազգանուն)

բովանդակային վարչության « » « » 2023 թ.-ի եզրակացությունը, ինչպես նաև
նախարարության հաշվապահական հաշվառման վարչության « » « » 2023 թ.-ի թիվ
Ե - ՄՇԴ- եզրակացությունը, կազմեցին սույն արձանագրությունը հետևյալի մասին.

Կազմակերպությունը պայմանագրի շրջանակներում իրականացրել է
_____ միջոցառումը, իսկ Պետական մարմինն վճարել է դրա դիմաց՝
պայմանագրով սահմանված կարգով և չափով:

ՊԵՏԱԿԱՆ ՄԱՐՄԻՆ՝

ԿԱԶՄԱԿԵՐՊՈՒԹՅՈՒՆ՝

ՀՀ կրթության, գիտության, մշակույթի և
սպորտի նախարարություն

Գլխավոր քարտուղար՝

Տնօրեն՝

Գլխավոր քարտուղարի տեղակալ՝
